

**Tus uas tsis nloog kuv lus nws yeej tsis ua raws li kuv hais. Tej lus uas nej hnov kuv hais, tej lus ntawd tsis yog kuv lus, tiamsis yog leejtxiv tus uas txib kuv los tej lus.**

Nimno kuv tseem nrog nej nyob kuv thiaj qhia tej no rau nej.

**Tus pab ntawd yog Vajtswv tus Ntsujplig uas kuv kom leejtxiv txib los. Nws yuav qhia txhua yam rau nej thiab pab nej kom nej cim ntsoov ib puas tsav yam uas kuv tau qhia rau nej lawm. (Yauhas 14:16-26)**

## **376**

### **VAJTSWV TUS NTSUJPLIG LOS NROG NEEG NYOB**

Yam uas kuv txiv twb cog lus tseg lawm hais tias, nws yuav pub rau nej, nimno kuv yuav muab yam ntawd rau nej. Tiamsis nej yuav tsum nyob hauv lub nroog tos mus txog thaum nej tau lub hwjchim uas yuav los saum Ceebtsheej los. (Lukas 24:49)

**Thaum txog hnuv "Pheethekhos cov ntseeg tuaj txoos ua ke hauv ib lub tsev.**

Ua ciav muaj ib lub suab nrov nroo ntwis saum Ceebtsheej los rau hauv chav tsev uas sawvdaws nyob ntawd, ib yam li ib nthwv cua hlob hlob lub suab nrov.

**Lawv pom ib yam zoo li tus nplaim taws tawg liabvog mus rau lawv txhua tus. Vajtswv tus Ntsujplig los kav tagnrho lawv txhua tus, cais lawv txawm cia li txawj hais lwm yam lus raws li Vajtswv tus ntsujplig kom lawv hais.**

Thaum ntawd muaj cov Yudais tuaj txhua lub tebchaws hauv qabntuj no tuaj so hauv lub nroog Yeluxalees, cov neeg ntawd yog cov koj Vajtswv kevcai nruj.

**Thaum lawv hnov lub suab ntawd, lawv txawm tuaj txoos ua ke coob coob saib yog li cas. Thaum lawv nyias hnov nyias lub tebchaws tej lus uas cov ntseeg ntawd hais, lawv xav tsis thooob li.**

Lawv tsis paub yuav hais li cas, cais lawv txawm hais tias, cov txivneej uas tabtom hais hais lus no lawv puavleej yog neeg Kalilais tagnrho los sav. Ua cas lawv lam txawj hais peb tej lus.

**Petus tus uas nrog kaum ib tug tubtxib nyob ntawd, nws qhia nrov nrov rau cov neeg coob coob ntawd hais tias, "Cov kwvtij Yudais thiab nej txhua tus hauv lub nroog Yeluxalees no es. Tej uas kuv yuav qhia rau nej, nej ua tib zoo nloog zoo zoo.**

Cov txivneej no tsis qaug cawv li nej hais. Nimno nyuam qhuav tav tshais xwb.

**Tej uas muaj no yog raws li xibhwb Yau-ees, tus uas cev Vajtswv lus, nws twb qhia tseg lawm hais li no.**